

## Хятад хэл, соёлын өдөрлөг

10-р сар, 3, 2019, 12:45 a.m.

2019-2020 оны хичээлийн жилийн намрын улирлын арга хэмжээний хүрээнд ГХС-ийн АСТ-ээс “Хятад хэл, соёлын өдөрлөг”-ийг 9 дэх жилдээ амжилттай зохион явууллаа.

Мөн энэ жилийн хятад, монголын дипломат харилцаа тогтоосны 70 жилийн ойн соёлын цуврал арга хэмжээнд хятад хэлний болон хөтөлбөрийн ангийн оюутнууд, салбар сургуулийн багш нар өргөнөөр оролцлоо.

Хятад хэл, соёлын өдөрлөгөөр ГХС-ийн ТТО-хятад хэлний анги болон ЭХС-ийн 2+2 хөтөлбөрийн ангийн оюутнууд хятад дуу, бүжиг, шүлэг, түргэн хэллэг, танин мэдэхүйн асуулт хариулт, хийн дасгалын үзүүлбэр, уламжлалт уран зургийг зурж үзүүлэхээс гадна хятадын уламжлалт цайны соёл, хайчилбар, зангилаа, шатар зэргийг бэлтгэж сонирхууллаа.



Энэхүү арга хэмжээнд хүрэлцэн ирсэн салбар сургуулийн удирдлагууд болон салбар, тэнхимийн профессор, багш нар, нийт оюутан залуус та бүгд гүнээ талархаж байна.

Дашрамд ШУТИС-ийн ГХС, Шаньдун ШУТИС-тай байгуулсан гэрээний хүрээнд 8 дахь жилдээ тэтгэлэгт хөтөлбөр болон богино хугацаагаар оюутан солилцож, хамтран ажиллаж байна.

Зохион байгуулсан: АСТ-ийн багш Ц.Эрдэнэзаяа

## Гадаад хэлний сургуулийн Ази судлалын тэнхим цахим уулзалт зохион байгууллаа -2020

Ази судлалын тэнхим ШУТИС-ийн хамтын ажиллагаатай华北电力大学/Хойд хятадын эрчим хүчний их сургууль/-ийн Олон улсын боловсролын сургуультай хамтран, зайн сургалтад хамрагдаж буй профессор багш, оюутан залуусыг дэмжих зорилгоор хятад хэлээр цахим уулзалт амжилттай зохион явууллаа.



Уг уулзалтад ГХС-ийн сургуулийн удирдлага, багш нар болон Техник технологийн орчуулга-хятад хэлний ахлах ангийн оюутнууд, ЭХС-ийн цахилгаан хангамж, дулаан хангамж, эмнэлгийн тоног төхөөрөмж, сэргээгдэх эрчим хүчний 2+2 хөтөлбөрийн бакалавр, магистр 80 гаруй оюутан оролцсон.

Хойд хятадын эрчим хүчний их сургуулийн профессор багш Лю Сун “Цахимаар хэрхэн үр дүнтэй суралцах”, “Цахимаар суралцах сул тал”, “Цахим эх сурвалж хэрхэн материал ашиглах”, “Хятад хэлний шалгалт хэрхэн өгөх” зэрэг сэдвээр илтгэл тавьж, эдгээр асуудлаар манай багш, оюутнуудтай санал солилцлоо.

Энэ удаагийн үйл ажиллагааг зохион явуулахад хамтран ажилласан ШУТИС-ийн Технологи дамжуулалтын төв, Нээлттэй боловсролын төв болон идэвхтэй оролцсон багш, оюутнууддаа чин сэтгэлээсээ талархал илэрхийлье. Номын буян дэлгэрэг!



Зохион байгуулсан:

Ази судлалын тэнхимийн ахлах багш Ц.Эрдэнэзаяа (Ph.D.)